



Broj: 26-04-50220-3/22  
Sarajevo, 25.01.2023. godine

**BOSNA I HERCEGOVINA**  
**FEDERACIJA BOSNE I HERCEGOVINE**  
**KANTON SARAJEVO**  
**KABINET PREDSEDAVAJUĆEG SKUPŠTINE**  
n/r Predsjedavajući Skupštine

**PREDMET: Odgovor na zastupničku inicijativu zastupnika Irfana Čengića, dostavlja se**  
Veza, Vaš akt broj: 15-04-50220-1/22 od 29.12.2022. godine

Na Prvoj radnoj sjednici Skupštine Kantona Sarajevo, zastupnik Irfan Čengić je podnio zastupničku inicijativu kojom je inicirao donošenje Zaključka Skupštine Kantona Sarajevo da se svi materijali, čim se upute u skupštinsku proceduru, odmah dostavljaju svim zastupnicima, kako bi se zastupnici mogli konsultovati, pripremiti amandmane i pročitati materijale.

Na istoj radnoj sjednici, Skupština Kantona Sarajevo je donijela Zaključak, broj: 01-04-50220-1/22 kojim je prihvaćena navedena inicijativa zastupnika Irfana Čengića.

Nakon što je navedeni Zaključak prosljeđen Zavodu za informatiku i statistiku Kantona Sarajevo (u daljnjem tekstu: Zavod), Zavod je održao sastanak sa Službom za skupštinske poslove na kojem su dogovoreni tehnički detalji realizacije navedene inicijative.

Ovim putem Vas obavještavamo da je Zavod realizovao navedenu inicijativu na osnovu uputa Službe za skupštinske poslove, te je postavljen link na web stranici Skupštine Kantona Sarajevo u glavnom meni-ju "Rad Skupštine" pod nazivom "Materijal u pripremi". Služba za skupštinske poslove će ubuduće sve materijale koji su u skupštinskoj proceduri postavljati na navedeni link i bit će vidljivi svim posjetiocima web stranice Skupštine Kantona Sarajevo.

Zavod je i u prethodnom periodu predlagao slično rješenje, te nam je izuzetno drago da je isto realizovano.

Koristimo ovu priliku da Vas informišemo da je Zavod pokrenuo aktivnosti oko uspostave nove redizajnirane i tehnički sigurnije web stranice Skupštine Kantona Sarajevo, koja je veoma kompleksna. Cilj nam je da pojednostavimo pristupačnost podataka svim zastupnicima i građanima Kantona Sarajevo. Navedeni projekat će se realizovati u saradnji sa Službom za skupštinske poslove Kantona Sarajevo.

Nadamo se da ćemo i ubuduće zajednički raditi na unapređenju svih aspekata bitnih za građane Kantona Sarajevo, te Vam stojimo na raspolaganju za sva pitanja i inicijative, a Zavod će realizovati sve projekte u skladu sa svojim nadležnostima i mogućnostima.

S poštovanjem,

**D I R E K T O R**

**Mr. Dino Šehović**

Dostaviti:

1. Naslovu
2. Stručna služba Vlade
3. a/a